

Alumni UTHM tawan puncak Gunung Ledang

BATU PAHAT - Biarpun berdepan halangan getir, misi 80 ahli Sekretariat Alumni Mahasiswa UTHM (UTHMas), Universiti Tun Hussein Onn Malaysia (UTHM) untuk menawan puncak Gunung Ledang, akhirnya direalisasikan, 20 Januari lalu.

Mereka terdiri daripada peserta Kursus Pengukuhan Pasukan dan Pengurusan Organisasi 2013 (KPO) yang diadakan Taman Hutan Lagenda, Taman Negara Gunung Ledang, Johor dari 19 hingga 21 Januari lalu.

Ketua Ekspedisi, Izaidah Adenan berkata, pendakian yang bermula seawal 8.30 pagi itu menghadapi beberapa halangan sebelum berjaya ke puncak antaranya berdepan keadaan permukaan

tanah yang lembap, cerun yang curam dan batu yang licin.

Menurutnya, hujan renyai menyukarkan perjalanan menuju ke puncak gunung tersebut, namun dengan semangat dan azam yang kuat, mereka berjaya juga menawaninya.

"Saya sangat berbesar hati melihat kesungguhan dan semangat setia kawan yang ditunjukkan oleh para peserta ekspedisi telah berjaya menawan puncak gunung tersebut pada pukul 3.30 petang hari sama.

"Jalan menuju puncak yang sangat mencabar dan ditambah pula dengan cuaca yang tidak menentu benar-benar menguji ketahanan fizikal dan mental kami yang menyertai ekspedisi ini.

"Bagaimanapun kata se-

mangat sesama sendiri menjadi pendorong untuk kami semua meneruskan perjalanan, walaupun ada yang mengadu keletihan," katanya.

Izaidah berkata, aktiviti menawan puncak Gunung Ledang adalah sebahagian daripada aktiviti yang dirangka dalam KPO ini telah diterajui oleh pegawai UTHM yang komited.

Bagi peserta, Ahmad Zulfadli Jusoh menjadikan objektif ekspedisi tersebut bertujuan membentuk semangat kerjasama berkumpul di samping untuk menguatkan tali persaudaraan sesama ahli.

Majlis penutup disempurnakan Pengarah Pusat Kemajuan dan Hubungan Alumni (Care) UTHM, Dr Mohammad Fahmi Abdul Ghafir.



Alumni UTHM yang berjaya menawan puncak Gunung Ledang.